



SAKSPAPIR

Saksnr	Utval	Type	Dato
10/2018	Formannskap/plan- og økonomiutvalet	PS	29.01.2018

Sakshandsamar	Arkiv	ArkivsakID
Tore Henrik Øye	FE - 242, FA - K00	15/93

VAKSDAL KOMMUNE SITT FOND FOR VILT, FISKE OG FRILUFTSLIV - TILSKOT TIL UTSETTING AV BRUNAURE I KRAKSÅVATN
SØKJAR: DALE-VAKSDAL GRUNNEIGARLAG

Vedlegg:

Søknad om tilskot til utsetting av fisk i Kraksåvatnet

Rådmannen sitt framlegg til vedtak:

Vaksdal kommune løyver kr. 3 000,- til Dale-Vaksdal grunneigarlag for å dekkje kostnadar med utsetting av fisk i Kraksåvatn. Tilskotssummen tek utgangspunkt i kr. 1000,- i tilskot per år i treårsperioden 2018-2020.

Tilskotet vert løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2. Tilskotet utgjer 100 % finansiering.

Tilskotet vert betalt ut etter rapport om gjennomført tiltak, med kostnadsdokumentasjon.

Arbeidsfristen for tiltaket er sett til 31.12.2020, og tilskotet fell vekk etter dette.

Formannskap/plan- og økonomiutvalet - Sak 10/2018

FPØ - Behandling:

Samrøystes vedtak.

FPØ - Vedtak:

Vaksdal kommune løyver kr. 3 000,- til Dale-Vaksdal grunneigarlag for å dekkje kostnadar med utsetting av fisk i Kraksåvatn. Tilskotssummen tek utgangspunkt i kr. 1000,- i tilskot per år i treårsperioden 2018-2020.

Tilskotet vert løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2. Tilskotet utgjer 100 % finansiering.

Tilskotet vert betalt ut etter rapport om gjennomført tiltak, med kostnadsdokumentasjon.

Arbeidsfristen for tiltaket er sett til 31.12.2020, og tilskotet fell vekk etter dette.

Saksopplysningar:

BAKGRUNN

Dale-Vaksdal grunneigarlag, ved Jørn Helle, søker Vaksdal kommune sitt fond for vilt, fiske og friluftsliv om tilskot til å setje ut brunaure i Kraksåvatn i fjellet ovafor Stranghelle. Det vert søkt om kr. 1 000,- per år i tre år (2018-2020), til saman kr. 3 000,-.

Søknaden er dagsett 03.01.18, og vert handsama som del av søknadsgrunnlaget for tildeling av fondsmidlar for 2017.

Bakgrunnen for tiltaket er at gytetilhøva i vatnet er svært dårlege grunna oppdemming av vatnet på 1980-talet. Dagens bestanden av fisk er tynn, og består hovudsakleg av eldre individ. Gjennom tiltaket er det ønskje om å byggje opp att ein bestand som grunnlag for fritidsfiske.

Det vert teke sikte på å setje ut inntil 100 brunaure per år i perioden. Søknadssummen tek utgangspunkt i fangst av villfisk i Bergsdalsvassdraget i regi av Dale jakt- og fiskarlag til kr. 10,- i kostnad per fisk. Det vert opplyst at fangsten av fisk skal avklarast med aktuelle grunneigarar, og at Hordaland fylkeskommune har gjeve løyve til tiltaket.

VURDERING

Tilrettelegging for fiske er eitt av føremåla for Vaksdal kommune sitt fond for vilt, fiske og friluftsliv, jf. § 2 i fondsvedtektene. I følge § 5 kan interesseorganisasjonar søkje om tilskot, og det står vidare at tildelte midlar skal vere til lokal bruk og nytte, med verdi for ålmenta. Søknaden frå Dale-Vaksdal grunneigarlag er i samsvar med alle desse tilhøva.

Det er ikkje sett noko prosentvis avgrensing for tildeling av tilskot i høve til dokumentert kostnad, jf. § 5 i vedtektene. Ut frå føremålet og kostnaden med tiltaket, vert det lagt opp til 100 % finansiering frå fondet.

I følge § 5 i vedtektene, er målet at bruken av midlane over ein 5-årsperiode viser følgjande fordeling: Fiske 50 %, vilt 25 %, og friluftsliv 25%.

Omtrentleg fordeling til no i gjeldande femårsperioden er 38 % på fisk, 0 % på vilt og 62 % på friluftsliv. Dette gjer at ein ligg innafor ramma for tildeling til fisketiltak samla sett.

I følge § 3 i vedtektene, skal grunnkapitalen for fondet vere kr. 250 000,-. Overskytande kapital er frie fondsmidlar. Tildeling av tilskot til Dale-Vaksdal grunneigarlag og samla bruk av fondet i 2017, fører ikkje til at fondet kjem under kravet til grunnkapital.

Konklusjon:

Søknaden om tilskot til utsetting av fisk i Kraksåvatn som fiskefremjande tiltak, er i samsvar med fondsføremålet. Rådmannen går soleis inn for tildeling av kr. 3 000,- i tilskot til Dale-Vaksdal grunneigarlag, etter søknad frå laget.